



# COMUNU DE SOLÈMINIS

Provìntzia de sa Sardìnnia de bàsciu

Bia Crèsia 18, 09040 – Solèminis (SU – Sud Sardìnnia)  
Còdixi Fiscali (CF) 80005100922 - Partida Iva (PI) 01430300929

*Telèfunu: 070749901 - Fax: 070749050*

*Curreu eletrònicu: segreteria@comune.soleminis.su*

*Curreu Eletrònicu Certificau (PEC): protocollo.soleminis@pec.comunas.it*

## NOTÌTZIAS

**Progetus de servìtziu tzivili universali – Circulari impreu operatoris boluntàrius in su tretu de s'emergèntzia cuntagiadora de COVID-DEXENOI (19) cun referimentu a sa pròroga de su stadu de emergèntzia a su Trintunu de Gennarxu de su Duamilla-e-bintunu (31/01/2021)**

Pùbricada in dìi de oii, su Catòdixi de su mesi de Ladàmini de su Duamilla-e-bintunu (14/10/2021), sa Circulari de su Meri de su Dipartimentu cun àinturus inditus a is Entis aingìriu de s'impreu de is operatoris boluntàrius de su servìtziu tzivili universali in su tretu de s'emergèntzia cuntagiadora de Covid-Dexenoi (-19), affillada segundu a su chi ndi bessit a pillu de sa Delìbera de su Consillu de is Ministrus de su Seti de su mesi de Ladàmini de su Duamilla-e-binti (7/10/2020) chi at prorogau, finas a su Trintunu de Gennarxu de su Duamilla-e-bintunu (31/01/2021), su stadu de emergèntzia.

Sprughendi sa chistioni, sa Circulari noa fait sciri a is Entis abaloraus ca funt cunformementi prorogadas finas a su Trintunu de Gennarxu de su Duamilla-e-bintunu (31/01/2021) totus is inditus faidoris càpius in sa Circulari de su Trintunu de su mesi de Trèulas apena passau (31/07/2020 u.s.), cun su matessi ogetu, in arrelatu a s'impreu de is operatoris boluntàrius de su servìtziu tzivili universali in su tretu de s'emergèntzia arremonada e, de tali manera, innui inditata sa data de su Cuìndixi de su mesi de Ladàmini de su Duamilla-e-binti (15/10/2020), andat cumprèndia comenti a su Trintunu de Gennarxu de su Duamilla-e-bintunu (31/01/2021).

In aciunta a su chi est stèrriu in sa Circulari arremonada de su Seti de su mesi de Ladàmini de su Duamilla-e-binti (7/10/2020), sa Circulari pubricada in dìi de oii amostat inditus in prus e acrarimentus a faci a is paràgrafus cincu (5.), dexi (10.) e doxi (12.).

Su sistema de su servìtziu tzivili universali – a muru muru cun su spìritu e is tentas de is dispositzionis innantis – sighit, duncas, a operai po mesu de measuras deretas a su printzìpiu de

flessibilitadi e de simprificatzioni, cun referimentu a is protzeduras e modus fidoris chi is Entis podint adotai, e a su printzipiu de siguresa màssima, in arrelatu a s'impreu de is operatoris boluntàrius, tzerrius a dònna manera a nai de eja a pigai servìtziu.

Chi abisòngiant acrarimentus interpretadoris, si impunnat a sa setzioni “preguntas postas fatu-fatu” (FAQ) dedicata a “Emergèntzia Covid-19”, cun intrada dereta in sa primu pàgina (homepage) de su giassu de su Dipartimentu.

*Data de pubricatzioni Catòdixi de su mesi de Ladàmini de su Duamilla-e-binti (14/10/2002)*

**Liòngius:**

- Circulari\_Covid\_14\_mesi de Ladàmini\_2020